

التوبة - بنغالي



# তাওবা



شعبة توعية الجاليات بالزلفي

هاتف: ٤٢٣٤٤٦٦ ٠٦ فاكس: ٤٢٣٤٤٧٧ ٠٦ ص.ب: ١٨٢

101

**التوبة**  
أعدّه وترجمه للغة البنغالية  
شعبة توعية الجاليات بالزلفي  
الطبعة الأولى: ١٤٢٤/٥ هـ.

ح) شعبة توعية الجاليات بالزلفي ، ١٤٢٤ هـ  
فهرسة مكتبة الملك فهد الوطنية أثناء النشر  
شعبة توعية الجاليات بالزلفي  
التوبة - اللغة البنغالية . / شعبة توعية الجاليات بالزلفي ، ١٤٢٤ هـ  
٢٨ ص : ١٢٠ ١٧ سم  
ردمك : ٩٩٦٠-٨٦٤-٢٤-٣  
١- التوبة (الاسلام) أ. العنوان  
ديوي : ٢٤٠ ١٤٢٤/ ٤٥٢٦

رقم الإيداع : ١٤٢٤/ ٤٥٢٦  
ردمك : ٩٩٦٠-٨٦٤-٢٤-٣

**الصف والإخراج : شعبة توعية الجاليات بالزلفي**

## তাওবা

আল্লাহ তা'য়ালার বলেন

{وَمَنْ يَعْمَلْ سُوءًا أَوْ يَظْلِمْ نَفْسَهُ ثُمَّ يَسْتَغْفِرِ اللَّهَ يَجِدِ اللَّهَ غَفُورًا رَحِيمًا}

(النساء: ১১০)

অর্থাৎ, 'যে গোনাহ করে, কিংবা নিজের অনিষ্ট করে, অতঃপর আল্লাহর নিকট ক্ষমা প্রার্থনা করে, সে আল্লাহকে ক্ষমাশীল করুণাময় পায়।' (৪ঃ ১১০)

## তাওবার মাহাত্ম্য

সমস্ত প্রশংসা একমাত্র আল্লাহর জন্য। দরুদ ও সালাম অবতীর্ণ হোক আল্লাহর রাসূল, তাঁর পরিবারবর্গ এবং তাঁর সকল সাহাবীদের উপর।

এক ব্যক্তি ইব্রাহীম বিন আদহাম(রাহঃ)এর নিকটে এসে বললো, আমি পাপের দ্বারা নিজের উপর যুলুম করেছি। অতএব আমাকে নসীহত করুন! ইব্রাহীম (রাহঃ) বললেন, যদি আমার নিকট থেকে পাঁচটি জিনিস তুমি গ্রহণ করে নাও এবং উহার বাস্তবায়ন করতে পারো, তবে কোন পাপ কখনোও তোমার ক্ষতি করতে পারবে না। সে ব্যক্তি তখন বললো, জিনিসগুলি কি কি? ইব্রাহীম (রাহঃ) বললেন, তা হলো, যখন তুমি আল্লাহর না-ফারমানী করতে ইচ্ছা করবে, তখন তাঁর প্রদত্ত জীবিকা ভক্ষণ করবে না! লোকটি তা শুনে বললো, তাহলে আমি খাবো কোথা থেকে? যমীনে যা কিছু রয়েছে, সবই তো তাঁর (আল্লাহর) জীবিকা? তখন ইব্রাহীম (রাহঃ) বললেন, এটা কি ভাল যে, তুমি আল্লাহ প্রদত্ত জীবিকা খাবে এবং তাঁরই অবাধতা করবে? সে বললো, না। দ্বিতীয়টি বলুন, ইব্রাহীম (রাহঃ) বললেন, যখন তুমি আল্লাহর অবাধতা করার

ইচ্ছা করবে, তখন তাঁর যমীনে বসবাস করবে না। লোকটি বললো, এটা তো প্রথমটির চেয়ে আরো কঠিন। তাহলে থাকবো কোথায়? ইব্রাহীম (রাহঃ) বললেন, এটা কি ভাল যে, তুমি আল্লাহ প্রদত্ত জীবিকা খাবে, তাঁর যমীনে বসবাস করবে, আবার তাঁরই অবাধ্যতা করবে? লোকটি বললো, না। তৃতীয়টি বলুন, ইব্রাহীম (রাহঃ) বললেন, যখন তুমি আল্লাহর না-ফারমানী করার ইচ্ছা করবে, তখন এমন স্থানে আত্মগোপন করবে, যেখানে তিনি তোমাকে দেখতে পাবেন না। লোকটি বললো, কোথায় যাবো, তিনি তো প্রকাশ্য এবং অপকাশ্য সব কিছুর খবর রাখেন? ইব্রাহীম (রাহঃ) বললেন, এটা কি ঠিক যে, তুমি আল্লাহর দেওয়া রুজী খাবে, তাঁর যমীনে বসবাস করবে, আবার তাঁরই অবাধ্যতা করবে, অথচ তিনি তোমাকে দেখছেন? লোকটি বললো, না। চতুর্থটি বলুন, ইব্রাহীম (রাহঃ) বললেন, যখন মালাকুল মাউত তোমার আত্মা ছিনিয়ে নিতে আসবে, তখন তাঁকে বলবে, আমাকে তাওবা ও নেক আমল করার অবসর দিন। লোকটি বললো, ফেরেশতা আমার এ প্রস্তাব গ্রহণ করবেন না এবং আমাকে অবসরও দেবেন না। ইব্রাহীম (রাহঃ) বললেন, তুমি যখন তাওবা করার ও প্রত্যাবর্তনের জন্য মৃত্যুকে দূর করার ক্ষমতা রাখো না, তখন তাঁর (আল্লাহর) অবাধ্যতা কেমনে করো? লোকটি বললো, পঞ্চমটি বলুন, ইব্রাহীম (রাহঃ) বললেন, যখন কিয়ামতের দিবসে জাহান্নামের প্রহরীরা তোমাকে জাহান্নামে নিয়ে যেতে চায়বেন, তখন তুমি তাঁদের সাথে যাবে না। লোকটি বললো, তাঁরা তো আমাকে ছাড়বেন না এবং আমার কোন কথাই শুনবেন না। ইব্রাহীম (রাহঃ) বললেন, তাহলে তুমি মুক্তির আশা কেমনে করছো? লোকটি বললো, এই আমার জন্য যথেষ্ট। আমি আমার প্রতিপালকের কাছে ক্ষমা প্রার্থনা করছি এবং তাঁরই দিকে প্রত্যাবর্তিত হচ্ছি।

মহান আল্লাহ তাঁর সকল মু'মিন বাস্দেরকে তাওবা করার নির্দেশ প্রদান করেছেন। যেমন তিনি বলেন,

{وَتُوبُوا إِلَى اللَّهِ جَمِيعًا أَيُّهَا الْمُؤْمِنُونَ لَعَلَّكُمْ تُفْلِحُونَ} (النور: ٣١)

অর্থাৎ, 'মু'মিনগণ, তোমরা আল্লাহর নিকট তাওবা কর, যাতে তোমরা সফলকাম হও।' (২৪ঃ ৩১) আল্লাহ তাঁর বাস্দেরকে দু'ভাগে ভাগ করেছেন। যথা (১) তাওবাকারী (২) নিজের নাফসের উপর যুলুম-কারী। তাই তিনি বললেন,

{وَمَنْ لَمْ يَتُبْ فَأُولَئِكَ هُمُ الظَّالِمُونَ} (الحجرات: ١١)

অর্থাৎ, 'যারা তাওবা করে না, তারাই অত্যাচারী।' (৪৯ঃ ১১) মানুষের তো সব সময়ই তাওবার প্রয়োজন হয়। কারণ, প্রত্যেক আদম সন্তান ত্রুটিকারী। আর সর্বোত্তম ত্রুটিকারী হলো সে-ই, যে ত্রুটি করার পর তাওবা করে। এ কথা রাসূলে করীম সাল্লাল্লাহু আলাইহি অসাল্লাম বলেছেন। তবে মানুষের দ্বারা যে ভুলটি সংঘটিত হয়, তা হলো এই যে, অনেক মানুষ তাদের অনেক পাপের ব্যাপারে উদাসীন। তাই তারা রাত দিন আল্লাহর অবাধাতা করতে থাকে। অনেকে আবার পাপকে ছোট ভাবে তুচ্ছ মনে করে। পাপের ব্যাপারে বেপরোয়া। ইবনে মাসউদ (রাঃ) বলেন, 'মু'মিন পাপকে মনে করে এমন এক পাহাড়, যার পাদদেশে সে বসে, আর তা নিজের উপর পতিত হওয়ার সে আশঙ্কা বোধ করে। পক্ষান্তরে দুষ্ট প্রকৃতির মানুষেরা পাপকে মনে করে এমন এক মাছি, যা তার নাকে বসেছিল, আর সে হাতের সামান্য ইশারায় তাকে তাড়িয়ে দিয়েছে।' জ্ঞানসম্পন্ন মু'মিনরা পাপ কত ক্ষুদ্র সে দিকে লক্ষ্য করে না। বরং যার বিরুদ্ধাচরণ করা হচ্ছে, সেই সত্তা কত মহান, সে দিকে লক্ষ্য

করে।

কোন মানুষ যেহেতু পাপমুক্ত নয়, তাই আল্লাহ তাঁর বান্দাদের জন্য তাওবার দরজা খুলে দিয়েছেন এবং উহার (তাওবা করার) নির্দেশও দিয়েছেন। তিনি তাঁর বান্দাদের ডাক দিয়ে বলেন,

{قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ  
الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ} (الزمر: ৫৩)

অর্থাৎ, ‘বলুন, হে আমার বান্দাগণ, যারা নিজেদের উপর যুলুম করেছ তোমরা আল্লাহর রহমত থেকে নিরাশ হয়ে না। নিশ্চয় আল্লাহ সমস্ত গোনাহ মাফ করেন। তিনি ক্ষমাশীল পরম দয়ালু।’ (৩৯ঃ ৫৩) আর রাসূল সাল্লাল্লাহু আলাইহি অসাল্লাম বলেন,

((الثَّابِتُ مِنَ الذَّنْبِ كَمَنْ لَا ذَنْبَ لَهُ)) رواه ابن ماجه

অর্থাৎ, ‘পাপ থেকে তাওবাকারী সেই ব্যক্তির ন্যায় হয়ে যায়, যার কোন পাপই নেই।’ (ইবনে মাজাহ) শুধু এতটুকু নয়, বরং যারা নিষ্ঠার সাথে তাওবা করে, আল্লাহ তাদের গোনাহগুলিকে পুণা দ্বারা পরিবর্তিত করে দেন। যেমন তিনি বলেন,

{إِنَّمَا مَن تَابَ وَآمَنَ وَعَمِلَ عَمَلًا صَالِحًا فَأُولَٰئِكَ يُبَدِّلُ اللَّهُ سَيِّئَاتِهِمْ حَسَنَاتٍ  
وَكَانَ اللَّهُ غَفُورًا رَّحِيمًا} (الفرقان: ৭০)

অর্থাৎ, কিন্তু যারা তাওবা করে বিশ্বাস স্থাপন করে এবং সৎকর্ম করে, আল্লাহ তাদের গোনাহগুলিকে পুণা দ্বারা পরিবর্তিত করে দেন।’ (২৫ঃ ৭০) তবে মুসলমানদের সব থেকে বড় ভুল হলো, তাওবা করতে

বিলম্ব করা। তাই অনেক মানুষ পাপ করে বসে এবং সে জানে যে, তার দ্বারা হারাম কাজ সম্পাদিত হয়ে গেছে, তা সত্ত্বেও সে তাওবা করতে বিলম্ব করে। অথচ কেউ জানে না, তার মৃত্যু কখন এসে উপস্থিত হয়ে যায়। কাজেই গোনাহ থেকে সত্বর তাওবা করা প্রত্যেক মানুষের অত্যা-বশ্যকীয় কর্তব্য। অনুরূপ বাস্তব উচিত হলো, জানা-অজানা সকল পাপ থেকে সব সময় ক্ষমা প্রার্থনা করা। পাপ যতই বড় ও বিশাল হোক না কেন, তা থেকে ত্বরান্বিত তাওবা করা মুসলমানের অপরিহার্য কর্তব্য। তার জেনে রাখা উচিত যে, রুবুবিয়াত তথা নিজে কৈ প্রভু বলে দাবী করার চেয়ে কোন কুফুরী বড় কুফুরী নয়। ফেরাউন তার জাতিদের বলেছিল,

{ يَا أَيُّهَا الْمَلَأُ مَا عَلِمْتُ لَكُمْ مِنْ إِلَهٍ غَيْرِي } (القصص: من الآية ٣٨)

অর্থাৎ, 'হে পারিষদবর্গ, আমি জানি না যে, আমি বাতীত তোমাদের কোন উপাসা আছে।' (২৮ঃ ৩৮) অথচ তার প্রতি আল্লাহ তা'য়ালার স্বীয় নবী মুসা আলাইহি অসাল্লামকে প্রেরণ করে তাকে তাওবা করার ও তাঁর উপর ঈমান আনার নির্দেশ দেন। মহান আল্লাহ বলেন,

{ اذْهَبْ إِلَى فِرْعَوْنَ إِنَّهُ طَغَى، فَقُلْ هَلْ لَكَ إِلَى أَنْ تَزْكَى، وَأَهْدِيكَ إِلَى رَبِّكَ  
فَتُخْشَى }

অর্থাৎ, 'ফেরাউনের কাছে যাও, নিশ্চয় সে সীমালঙ্ঘন করেছে। অতঃপর বল, তোমার পবিত্র হওয়ার আগ্রহ আছে কি? আমি তোমাকে তোমার পালনকর্তার দিকে পথ দেখাব, যাতে তুমি তাঁকে ভয় করা।' (৭ঃ ১৭-১৯) যদি ফেরাউন দাওয়াত কবুল করত এবং তাওবা

করত, তাহলে আল্লাহ অবশ্যই তার তাওবাকে কবুল করতেন এবং তাকে মার্জনা করতেন। অনুরূপ এটাও জেনে রাখা দারকার যে, কোন ব্যক্তি যদি গোনাহ থেকে তাওবা করার পর পুনরায় উক্ত গোনাহ করে বসে, তবে তাকে আবার তাওবা করতে হবে। সে অব্যাহতভাবে বারংবার তাওবা করতে থাকবে, যদিও তার দ্বারা একই পাপ বা অন্য পাপ হয়ে যায়। কোন সময় আল্লাহর রহমত থেকে নিরাশ হওয়া চলবে না। আনাস (রাঃ) থেকে বর্ণিত। তিনি বলেন, রাসূল সাল্লাল্লাহু আলাইহি অসাল্লামকে বলতে শুনেছি। তিনি বলেছেন, মহান আল্লাহ বলেন,

((يا ابن آدم إنك ما دعوتني ورجوتني غفرت لك على ما كان منك ولا أبالي،

يا ابن آدم لو بلغت ذنوبك عنان السماء ثم استغفرتني غفرت لك ولا أبالي، يا

ابن آدم لو أتيتني بقراب الأرض خطايا ثم لقيتني لا تشرك بي شيئا لأيتتك

بقراها مغفرة)) رواه الترمذي

অর্থাৎ, 'হে আদম সন্তান, যদি তুমি আমার কাছে ক্ষমা প্রার্থনা করো এবং আমার নিকট আশা করো, আমি তোমার দ্বারা সংঘটিত সমস্ত ভুল-ত্রুটিকে ক্ষমা করে দেবো। আর এ ব্যাপারে আমি কোন পরোয়া করবো না। হে আদম সন্তান, যদি তোমার পাপ আকাশের মেঘমালার পরিমাণ পর্যন্ত পৌঁছে যায়, অতঃপর তুমি যদি আমার কাছে ক্ষমা প্রার্থনা করো, তাহলে আমি তোমাকে ক্ষমা করে দেবো। এ ব্যাপারে আমি কোন পরোয়াই করবো না। হে আদম সন্তান, যদি তুমি যমীন ভরতি গোনাহ নিয়ে আমার নিকট উপস্থিত হও, আর আমার সাথে যদি কোন কিছুকে শরীক না করে থাকো, তাহলে ঐ যমীন ভরতি পাপের পরিবর্তে তোমাকে ক্ষমা দান করবো।' (তিরমিযী)



মানুষের মধ্যে কেউ কেউ এমনও রয়েছে, যে তার কৃত পাপ ও অন্যায়ের আধিকার কারণে আল্লাহর রহমত থেকে হতাশ হয়ে পড়ে। অথবা সে পাপ থেকে তাওবা করার পর পুনরায় উক্ত পাপ করে বসার কারণে মনে করে যে, আল্লাহ তাকে মাফ করবেন না। ফলে সে অব্যাহতভাবে পাপ করতেই থাকে। তাওবা করা ও আল্লাহর প্রতি প্রত্যাবর্তন হওয়া পরিহার করে দেয়। আর এটাই হলো সব থেকে বড় ভুল। কারণ, কাফের সম্প্রদায় ব্যতীত কেউ আল্লাহর রহমত থেকে নিরাশ হয় না। মহান আল্লাহ বলেন,

{قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ  
الزمر: ৫৩ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ}

অর্থাৎ, ‘বলুন, হে আমার বান্দাগণ, যারা নিজেদের উপর যুলুম করেছে তোমরা আল্লাহর রহমত থেকে নিরাশ হয়ো না। নিশ্চয় আল্লাহ সমস্ত গোনাহ মাফ করেন। তিনি ক্ষমাশীল পরম দয়ালু।’ (৩৯ঃ ৫৩) তিনি আরো বলেন,

{إِنَّهُ لَا يَيْئَسُ مِنْ رَوْحِ اللَّهِ إِلَّا الْقَوْمُ الْكَافِرُونَ} (يوسف: من الآية ৮৭)

অর্থাৎ, ‘কাফের সম্প্রদায় ব্যতীত কেউ আল্লাহর রহমত থেকে নিরাশ হয় না।’ (১২ঃ ৮৭)

আবার মানুষের মধ্যে কেউ কেউ এমনও আছে, যারা অন্যের সমালোচনার ভয়ে তাওবা করা ত্যাগ করে থাকে, অথবা মনে করে যে, তাওবা করলে সমাজে তার মর্যাদা-সম্মানের হানি হবে, অথবা সে যে কাজে জড়িত, তাওবা করলে সে কাজ ত্যাগ করতে হবে। আর সে ভুলে যায়

যে, তাকে নির্জন কবরে একা যেতে হবে। তাকে প্রতিপালকের সামনে দাঁড়াতে হবে এবং সমস্ত কৃত কর্মের হিসাব দিতে হবে। তখন যারা তার পাপ কাজে সহযোগিতা করেছে ও পাপ কাজগুলিকে সুন্দররূপে তার সামনে পেশ করেছে, তারা তার কোন উপকারে আসবে না। মানুষের স্মরণ থাকা উচিত যে, যে ব্যক্তি আল্লাহর নিমিত্ত কোন কিছু ত্যাগ করবে, আল্লাহ তাকে তাগকৃত জিনিসের চেয়ে উত্তম প্রতিদান দেবেন।

আবার অনেক মানুষ এমনও আছে, যারা অব্যাহতভাবে গোনাহ করতেই থাকে। যখন তাদেরকে নিষেধ করা হয়, তখন বলে, আল্লাহ ক্ষমাশীল পরম দয়ালু। নিঃসন্দেহে এটা মূর্খতা, অজ্ঞতা এবং শয়তান কর্তৃক গুমরাহী ব্যতীত আর কিছুই নয়। কারণ, আল্লাহর রহমত সৎকর্মশীলদের জন্য। সব সময় পাপেই লিপ্ত এমন পাপীদের জন্য নয়। মহান আল্লাহ বলেন,

{إِنَّ رَحْمَتَ اللَّهِ قَرِيبٌ مِّنَ الْمُحْسِنِينَ} (الأعراف: من الآية ٥٦)

অর্থাৎ, 'নিশ্চয় আল্লাহর করুণা সৎকর্মশীলদের নিকটবর্তী।' (৭ঃ ৫৬) তাছাড়া আল্লাহ যেমন ক্ষমাশীল, দয়াময়, তেমনি কঠোর শাস্তি দাতাও। যেমন তিনি বলেন,

{يُنَىٰ عِبَادِي أَنِّي أَنَا الْغَفُورُ الرَّحِيمُ، وَأَنَّ عَذَابِي هُوَ الْعَذَابُ الْأَلِيمُ}

(الحجر: ৪৭-৫০)

অর্থাৎ, 'আপনি আমার বান্দাদের জানিয়ে দিন যে, আমি অত্যন্ত ক্ষমাশীল, দয়ালু। আর ইহাও যে, আমার শাস্তিও বড় যন্ত্রণাদায়ক শাস্তি।' (১৫ঃ ৪৯-৫০)

## তাওবার শর্তাবলী

নিষ্ঠার সাথে তাওবা করার কিছু শর্তাবলী আছে। উলামায়ে কেলামগণ কুরআন ও হাদীস থেকে সেগুলি সংগ্রহ করেছেন। তা হলো নিম্নরূপ, প্রথমতঃ, দ্রুত পাপ পরিত্যাগ করা।

দ্বিতীয়তঃ, কৃত পাপের দরুণ অনুতপ্ত হওয়া।

তৃতীয়তঃ, কৃত পাপ পুনরায় না করার উপর দৃঢ় সংকল্প করা।

চতুর্থতঃ কারো অধিকার হরণ করে থাকলে, অধিকারের মালিককে সে অধিকার ফিরিয়ে দেওয়া। অথবা তার নিকট ক্ষমা চেয়ে নেওয়া। রাসূল সাল্লাল্লাহু আলাইহি অসাল্লাম বলেন,

من كان عنده لأخيه مظلمة من مال أو عرض، فليتحلله اليوم؛ قبل أن لا يكون دينار ولا درهم إلا الحسنات والسيئات)) البخاري

অর্থাৎ, 'কোন ব্যক্তির উপর যদি তার অপার ভায়ের ধন অথবা মান-মার্যাদা সম্পর্কিত কোন দাবী থাকে, তবে সে যেন আজই কপর্দকহীন নিঃস্ব হওয়ার পূর্বে তার কাছে ক্ষমা ভিক্ষা করে নেয়। কারণ, কাল (কিয়ামতে) নেকী ও পাপ ব্যতীত আর কিছুই থাকবে না।' (বুখারী) তবে কেউ যদি বহু প্রচেষ্টা সত্ত্বেও মালিকের নিকট তার অধিকার ফিরিয়ে দিতে অক্ষম হয়, তাহলে আশা করা যায় আল্লাহ তাকে ক্ষমা করে দিবেন। আর উপরোক্ত অধিকার কয়েক ধরনের হয়। যেমন,

১। মাল-ধন ও টাকা-পয়সা। এ ধরনের অধিকার যেভাবেই হোক, তার মালিককে ফিরিয়ে দিতেই হবে, অথবা তার সাথে মীমাংসা করে নিতে হবে। কিন্তু সে যদি মালিককে না জেনে থাকে, কিংবা বহু খোঁজ করার পরও যদি তাকে না পায়, অথবা কি পরিমাণ প্রপা রয়েছে, তা যদি ভুলে

গিয়ে থাকে, এমতাবস্থায় সে অনুমান করে তার অধিকারের জিনিস তার নামে সাদকা করে দেবে।

২। দৈহিক অধিকার। এর তাওবার নিয়ম হলো, দাবীদারকে তার দাবী আদায় করার সুযোগ দিবে। মাল, অথবা কেসাস, কিংবা ক্ষমার মাধ্যমে সে যেন তার অধিকার আদায় করে নেয়। কিন্তু যদি সে দাবীদারকে না চিনে থাকে, তবে তার নামে সাদকা করবে এবং তার জন্য দোআ করবে।

৩। মান-মর্যাদা সম্পর্কীয় অধিকার। অর্থাৎ, কেউ যদি কারো গীবত করে, কিংবা মিথ্যা অপবাদ দেয়, অথবা চুগলী করে, বা পারস্পরিক ঝগড়া বাধিয়ে যুলুম করে থাকে, তাহলে যার সাথে এসব করেছে, তার সাথে মীমাংসা করে নিবে এবং সাধ্যানুসারে তার কর্তৃক সৃষ্ট ঝগড়া-ঝামেলার নিষ্পত্তি করে দিবে ও তার জন্য দোআও করবে।

### তাওবার প্রকার

১। হত্যাকারীর তাওবা। ইচ্ছাকৃতভাবে করে এমন হত্যাকারীর উপর তিনটি অধিকার অর্পিত হয়। যথা,

প্রথমতঃ, মহান আল্লাহর অধিকার। নিষ্ঠার সাথে তাওবা করার এবং কৃত মহাপাপের জন্য অনুতপ্ত হওয়ার মাধ্যমে এ অধিকার আদায় হয়।

দ্বিতীয়তঃ, উত্তরাধিকারদের অধিকার। আর এই অধিকার পূরণ হবে নিজেকে তাদের সামনে সমর্পণ করার মাধ্যমে। যাতে তারা প্রতিশোধ (কেসাস), অথবা রক্তের বিনিময় নিয়ে, কিংবা মাফ করার মাধ্যমে তাদের দাবী আদায় করে নেয়।

তৃতীয়তঃ, হত্যাকৃত ব্যক্তির অধিকার। এ দাবী দুনিয়াতে পূরণ হওয়া সম্ভব নয়। তবে যদি হত্যাকারী সত্যিকার তাওবা করে এবং নিজেকে মৃতের উত্তরাধিকারদের সামনে পেশ করে দেয়, তাহলে আল্লাহ তার এ

অপরাধ মার্জনা করে দিবেন এবং মৃতকে কিয়ামতের দিন নিজের পক্ষ থেকে উত্তম প্রতিদান দিবেন।

২। সুদখোরের তাওবা। তার তাওবা হবে সুদ খাওয়া তাগ করে। আগামীতে আর সুদ না খাওয়ার দৃঢ় সংকল্প করে। বিগত সুদী কারবারের উপর অনুতপ্ত হয়ে। তবে তার নিকট সুদী পন্থায় উপার্জিত মালের ব্যাপারে আলেমদের মধ্যে মতভেদ সৃষ্টি হয়েছে। আর এ ব্যাপারে ইবনে তাইমিয়া, ইবনে সা'দী এবং ইবনে উযায়মীন-(আল্লাহ তাঁদের প্রতি রহম করুন)-দের উক্তি হলো, তাওবা করার পূর্বে সুদখোর সুদের মালের যাকিছু গ্রহণ করেছে, তা তারই হবে। তা বের করে দেওয়া তার জন্য জরুরী নয়। হ্যাঁ, অবশিষ্ট সুদের মাল তাকে তাগ করতে হবে। এর প্রমাণ মহান আল্লাহর বাণী,

{وَأَحَلَّ اللَّهُ الْبَيْعَ وَحَرَّمَ الرِّبَا فَمَنْ جَاءَهُ مَوْعِظَةٌ مِنْ رَبِّهِ فَاتَّهَىٰ فَلَهُ مَا سَلَفَ وَأَمْرُهُ إِلَى اللَّهِ} (البقرة: من الآية ১৭৫)

অর্থাৎ, আল্লাহ ক্রয়-বিক্রয় বৈধ করেছেন এবং সুদ হারাম করেছেন। অতঃপর যার কাছে তার পালনকর্তার পক্ষ থেকে উপদেশ এসেছে এবং সে বিরত হয়েছে, পূর্বে যা হয়ে গেছে, তা তার। তার ব্যাপার আল্লাহর উপর নির্ভরশীল।' (২ঃ ২৭৫)

### সত্যিকার তাওবা

তাওবা কবুল হওয়ার জন্য অত্যাৱশ্যক হলো, কেবলমাত্র তা আল্লাহর সন্তুষ্টি বিধানের জন্য করা। কাজেই শুধুমাত্র পাপ তাগ করলেই তাওবাকারী বিবেচিত হওয়া যায় না। কারণ, এটা তার খ্যাতি অর্জন ও পদ মর্যাদার উপর প্রভাব বিস্তার করতে পারে, তার জন্যেও হতে পারে।

অনুরূপ যে শারীরিক ক্ষতির কারণে পাপ কাজ ত্যাগ করে, সেও তাওবা কারী গণ্য হবে না। যেমন, কেউ রোগ থেকে বাঁচার জন্য ব্যভিচার ত্যাগ করলে ইত্যাদি। কেউ চুরি করতে অক্ষম বলে চুরি করা ত্যাগ করলে, অথবা প্রহরীর ভয়ে ত্যাগ করলে, সে তাওবাকারী পরিগণিত হবে না। দারিদ্রতার ভয়ে কেউ যদি শারাব পান করা, কিংবা কোন নেশাজাতীয় জিনিস ত্যাগ করে, তাকেও তাওবাকারী বলা যাবে না। আর যে তার ইচ্ছার প্রতিকূল অবস্থার কারণে অপারগ হয়ে গোনাহ ত্যাগ করে, সেও তাওবাকারী নয়। তাওবাকারীর জন্য পাপকে জঘন্য ভাবা ও ঘৃণা করা অত্যাবশ্যিক। আর এই মনোভাব পোষণ করলে, তার তাওবা এমন সত্যিকার তাওবা বলে পরিগণিত হবে, যার সাথে থাকবে না তৃপ্তির অনুভব এবং বিগত গোনাহ স্মরণ করার সময় কোন আনন্দের আভাস। আর তাওবাকারীর মনে কৃত পাপ পুনরায় করার কোন আশাও থাকবে না। অনুরূপ হারাম কাজে সংশ্লিষ্ট ব্যক্তির হারাম কাজ ত্যাগ করা অপরিহার্য। যেমন, নেশাজাতীয় ও অবাস্তুর জিনিস এবং অবৈধ সিনেমা দেখা ত্যাগ করা। আর তার অনায়াস কাজে সাহায্য করে এমন নিকৃষ্ট সাথী-সঙ্গীদের পরিহার করাও অত্যন্ত জরুরী। দুষ্ট সাথী-সঙ্গীরা কিয়ামতের দিন একে অপরকে অভিসম্পাত করবে। সুতরাং তাওবাকারী যদি তাদেরকে (সঠিক) পথের দিকে আহ্বান করতে এবং তাদের সংশোধন সাধনে অক্ষম হয়, তাহলে তাদের সঙ্গে ত্যাগ করাই হলো তার জন্য শ্রেয়। আবার কখনো শয়তান কিছু তাওবাকারীর অন্তরে দুষ্ট সাথীদের সাথে পুনরায় সম্পর্ক প্রতিষ্ঠিত করাকে এই বলে ভুল অনুভব করিয়ে দেয় যে, তাদেরকে (সুপথের দিকে) আহ্বান করা যাবে। অথচ সে দুর্বল। সে তাদের মধ্যে কোন প্রভাব সৃষ্টি করতে পারবে না। বরং এটা পুনরায় তার পাপের দিকে প্রত্যাবর্তনের উপকরণ হয়ে দাঁড়াবে। তাই উচিত

খারাপ সাথীদের পরিবর্তে এমন উত্তম সঙ্গীর সঙ্গে গ্রহণ করা, যে তাকে ভাল কাজ করতে সহযোগিতা করবে এবং কল্যাণের দিকেই তার পথ প্রদর্শন করবে।

### তাওবার সহায়ক কিছু বিষয়

১। ইখলাস তথা নিষ্ঠাবান হওয়া। আর এটা যাবতীয় পাপ ত্যাগ করার সর্বাধিক উপকারী মাধ্যম। তাই বান্দা যখন তার প্রতিপালকের জন্য নিষ্ঠাবান হয় এবং সত্যিকার তাওবা করে, তখন আল্লাহ তাওবা করার উপর তার সহযোগিতা করেন এবং তার তাওবার পথে অন্তরায় সৃষ্টিকারী সব কিছুকে দূর করে দেন।

২। নাফসের সাথে জিহাদ করা। যে ব্যক্তি গোনাহ ত্যাগ করার জন্য তার নাফসের সাথে জিহাদ করে, মহান আল্লাহ তার সাহায্য করেন। যেমন তিনি বলেন,

{وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ} (العنكبوت: ৬৭)

অর্থাৎ, 'যারা আমার পথে সাধনায় আত্মনিয়োগ করে, আমি অবশ্যই তাদেরকে আমার পথে পরিচালিত করব। নিশ্চয় আল্লাহ সৎকর্মপরায়ণদের সাথে আছেন।' (২৯ঃ ৬৯)

৩। আখেরাতের স্মরণ করা। যখন মানুষ স্মরণ করবে যে, দুনিয়া ক্ষণস্থায়ী এবং দ্রুত ধ্বংসশীল, আর আখেরাতে অনুগতশীলদের জন্য রয়েছে বিভিন্ন প্রকারের নিয়ামতের সমারোহ, আর অবাধাজনদের জন্য রয়েছে কঠিন শাস্তি, এসবই তার পাপ কাজে লিপ্ত হওয়ার পথে বড় প্রতিবন্ধক হবে।

৪। ফলপ্রসূ ও লাভদায়ক জিনিসে সব সময় ব্যস্ত থাকা এবং নির্জনতা ও অবসর থেকে বাঁচতে চেষ্টা করা। কারণ অবসরই হলো পাপ ও অনায

কাজে লিপ্ত হওয়ার বড় মাধ্যম। তাই মানুষ যখন তার দুনিয়া ও আখেরাতের জন্য লাভদায়ক জিনিসে বাস্তব থাকবে, তখন সে অন্যায় ও পাপ কাজ করতে সুযোগ পাবে না।

৫। পাপ ও অন্যায় কাজে প্ররোচিতকারী সকল মাধ্যম থেকে দূরে থাকা। তাই সে পাপ কাজের প্রতি প্রলুব্ধকারী সকল জিনিস থেকে বেঁচে থাকবে। অনুরূপ কামোত্তেজনা সৃষ্টিকারী এমন সিনেমা দেখা থেকে ও জঘন্য গান শোনা থেকে এবং (চরিত্র) বিনষ্টকারী বই-পুস্তক ও নোংরা পত্র-পত্রিকা পড়া থেকে দূরে থাকবে।

৬। ভাল ও সৎলোকদের সঙ্গ গ্রহণ করা। দুষ্ট প্রকৃতির লোকদের থেকে দূরে থাকা। ভাল মানুষেরা ভাল কাজ করতে সাহায্য করে ও সৎলোকদের অনুসরণ করার প্রতি উৎসাহিত করে এবং অন্যায় অনুচিত কার্য-কলাপ থেকে বাধা প্রদান করে।

৭। দোআ করা। এটা হলো সর্বাধিক লাভদায়ক ঔষধ। আর দোআ মু'মিনদের হাতিয়ার এবং প্রয়োজন পূরণকারী সর্বাপেক্ষা শক্তিশালী উপায়-উপকরণ। মহান আল্লাহ বলেন,

{وَقَالَ رَبُّكُمْ ادْعُونِي أَسْتَجِبْ لَكُمْ} (غافر: من الآية ٦٠)

অর্থাৎ, 'তোমরা আমাকে ডাক, আমি সাড়া দিবো।' (৪০: ৬০) তিনি আরো বলেন,

{ادْعُوا رَبَّكُمْ تَضَرُّعًا وَخُفْيَةً} (أعراف: ٥٥)

অর্থাৎ, 'তোমরা স্বীয় প্রতিপালককে ডাক, কাকুতি-মিনতি করে এবং সংগোপনো।' (৭: ৫৫) তিনি অন্ত্র বলেন,

{وَإِذَا سَأَلَكَ عِبَادِي عَنِّي فَإِنِّي قَرِيبٌ أُجِيبُ دَعْوَةَ الدَّاعِ إِذَا دَعَانِ فَلْيَسْتَجِيبُوا}



لِي وَتُؤْمِنُوا بِي لَعَلَّهُمْ يَرْشُدُونَ} (البقرة: ١٨٦)

অর্থাৎ, 'আর আমার বান্দারা যখন তোমার কাছে জিজ্ঞেস করে আমার ব্যাপারে, বস্তুতঃ আমি রয়েছি সন্নিহিত। যারা প্রার্থনা করে, তাদের প্রার্থনা কবুল করে নিই, যখন আমার কাছে প্রার্থনা করে। কাজেই আমার হুকুম মান্য করা এবং আমার প্রতি নিঃসংশয়ে বিশ্বাস স্থাপন করা তাদের একান্ত কর্তব্য। যাতে তারা সঠিক পথ প্রাপ্ত হয়' (২ঃ ১৮৬)

### পাপ মোচনকারী

মহান আল্লাহর তাঁর বান্দাদের প্রতি বিশেষ রহমত এই যে, তিনি যেসব ইবাদতগুলি তাদের উপর ওয়াজিব করেছেন, সেগুলিকে তাদের ক্ষুদ্রপাপসমূহ মোচনের মাধ্যম বানিয়েছেন। আর এই পাপ মোচনকারী ইবাদতগুলি হলো নিম্নরূপ,

১। পাঁচ ওয়াক্তের নামায। রাসূল সাল্লাল্লাহু আলাইহি অসাল্লাম বলেন,

(( أَرَأَيْتُمْ لَوْ أَنَّ بَابَ أَحَدِكُمْ فَرَا يَغْتَسِلُ فِيهِ كُلَّ يَوْمٍ خَمْسَ مَرَّاتٍ هَلْ يَبْقَى مِنْ دَرَنِهِ شَيْءٌ؟ قَالُوا لَا يَا رَسُولَ اللَّهِ. قَالَ: كَذَلِكَ الصَّلَاةُ الْخَمْسُ يَمْحُو اللَّهُ بِهَا))

(الذنوب والخطايا)) رواه البخاري ومسلم

অর্থাৎ, 'এ ব্যাপারে তোমাদের কি ধারণা যে, তোমাদের কারোর ঘরের দরজায় যদি একটি নদী প্রবাহিত হতে থাকে, আর সে যদি দিনে পাঁচবার তাতে গোসল করে, তাহলে তার শরীরে কোন ময়লা অবশিষ্ট থাকবে কি? সাহাবীরা বললেন, না হে আল্লাহর রাসূল। তিনি বললেন, 'পাঁচ ওয়াক্ত সলাত (নামায) পড়ার এটাই হচ্ছে দৃষ্টান্ত। এই নামায গুলির মাধ্যমে আল্লাহ গোনাহ ও পাপসমূহ মোচন করতে থাকেন।'

(বুখারী-মুসলিম)

২। জুমআর নামায। রাসূল সাল্লাল্লাহু আলাইহি অসাল্লাম বলেন,

((من توضأ فأحسن الوضوء، ثم أتى الجمعة فاستمع وانصت، غفر له ما بينه وبين الجمعة الأخرى وزيادة ثلاثة أيام...)) مسلم

অর্থাৎ, 'যে ব্যক্তি সুন্দরভাবে ওযু করে জুমআর নামাযের জন্য উপস্থিত হয়। অতঃপর নীরবে জুমআর খুৎবা শ্রবণ করে, তার এক জুমআ থেকে আর এক জুমআর মধ্যবর্তী দিনগুলি সহ অতিরিক্ত আরো তিন দিনের গোনাহ ক্ষমা করে দেওয়া হয়।' (মুসলিম)

৩। রমযানের রোযা। রাসূল সাল্লাল্লাহু আলাইহি অসাল্লাম বলেন,

((من صام إيماناً واحتساباً، غفر له ما تقدم من ذنبه)) البخاري ومسلم

অর্থাৎ, 'যে ব্যক্তি দৃঢ় বিশ্বাস ও নেকীর আশায় রমযানের রোযা রাখে, তার বিগত সমস্ত গোনাহ ক্ষমা করে দেওয়া হয়।' (বুখারী-মুসলিম)

৪। হজ্জ কর। রাসূল সাল্লাল্লাহু আলাইহি অসাল্লাম বলেন,

((من حج فلم يرفث ولم يفسق رجع من ذنوبه كيوم ولدته أمه)) متفق عليه

অর্থাৎ, 'যে ব্যক্তি হজ্জ করল এবং নির্লজ্জ ও শরীয়ত বিরোধী কাজ থেকে বিরত থাকল, সে ব্যক্তি এমনভাবে বাড়ী প্রত্যাবর্তন করে, যেন তার মা সেই দিনই নবজাত শিশুরূপে তাকে প্রসব করেছে।' (মালিক-বায়হাকী)

৫। আরাফার দিনে রোযা রাখা। রাসূল সাল্লাল্লাহু আলাইহি অসাল্লাম বলেন,

((صوم يوم عرفة يكفر السنة الماضية والباقية)) رواه أحمد

অর্থাৎ, 'আরাফার দিনের রোযা বিগত বছরের ও আগামী বছরের গোনাহ মোচন করে দেয়া' (আহমদ)

৬। বিপদ-আপদ ও রোগ-ব্যাধি হওয়া। রাসূল সাল্লাল্লাহু আলাইহি অসাল্লাম বলেন,

((ما يصيب المسلم من نصب (تعب)، ولا وصب (مرض)، ولا هم، ولا حزن، ولا أذى، ولا غم، حتى الشوكة يشاكها إلا كفر الله بها من خطاياها)) البخاري

ومسلم

অর্থাৎ, 'ক্লান্তি, রোগ-ব্যাধি, চিন্তা-ভাবনা, দুঃখ-কষ্ট এমন কি পায়ে কাঁটা বিদ্ধ হওয়া ইত্যাদি সহ যে কোন বিপদ-আপদ মুসলমানদের উপরে আসে, এসবই তাদের গোনাহের কাফফারাতে পরিণত হয়।' (বুখারী-মুসলিম) তিরি আরো বলেন,

((من يرد الله به خيرا يصب منه)) رواه البخاري

অর্থাৎ, 'আল্লাহ যার কল্যাণ চান, তাকে বিপদগ্রস্ত করেন।' (বুখারী)  
৭। ক্ষমা প্রার্থনা করা। পাপ মোচন হওয়ার সব থেকে বড় মাধ্যম হলো, ক্ষমা প্রার্থনা করা। মহান আল্লাহ বলেন,

{وَمَا كَانَ اللَّهُ مُعَذِّبَهُمْ وَهُمْ يَسْتَغْفِرُونَ} (أنفال: من الآية ٣٣)

অর্থাৎ, 'তাহাড়া তারা যতক্ষণ ক্ষমা প্রার্থনা করতে থাকবে, আল্লাহ কখনোও তাদের উপর আযাব প্রেরণ করবেন না।' (৮ঃ ৩৩) রাসূল সাল্লাল্লাহু আলাইহি অসাল্লাম বলেন,

((طوبى لمن وجد في صحيفته استغفاراً كثيراً)) رواه ابن ماجة والبيهقي

অর্থাৎ, ‘সেই ব্যক্তির সৌভাগ্যের বিষয়, যার নেকীর খাতায় বেশী ক্ষমা চাওয়া থাকবে।’ (ইবনে মাজাহ-বাইহাকী)

### প্রশ্নোত্তর

প্রশ্নঃ আমি তাওবা করতে চাই, কিন্তু আমার গোনাহ অত্যধিক। জানি না আল্লাহ আমার সমস্ত গোনাহ মাফ করবেন কি না?

উত্তরঃ আল্লাহ তা’য়ালার বলেন,

{قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ  
الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ} (الزمر: ৫৩)

অর্থাৎ, ‘বলুন, হে আমার বান্দাগণ! যারা নিজের উপর যুলুম করেছে, তোমরা আল্লাহর রহমত থেকে নিরাশ হয়ে না। নিশ্চয় তিনি সমস্ত গোনাহ মাফ করেন। তিনি ক্ষমাশীল, পরম দয়ালু।’ (৩৯ঃ ৫৩) অনুরূপ তিনি হাদীসে কুদসীর মধ্যে বলেছেন,

((يا ابن آدم إنك ما دعوتني ورجوتني غفرت لك على ما كان منك ولا أبالي،

يا ابن آدم لو بلغت ذنوبك عنان السماء ثم استغفرتني غفرت لك ولا أبالي، يا

ابن آدم لو أتيتني بقراب الأرض خطايا ثم لقيتني لا تشرك بي شيئا لأتيتك

بقرابها مغفرة)) رواه الترمذي

অর্থাৎ। ‘হে আদম সন্তান! তুমি যদি আমাকে ডাকতে, আমার নিকট আশা করতে, তাহলে আমি নির্দিধায় তোমাকে ক্ষমা করে দিতাম। হে আদম সন্তান! তোমার পাপ যদি আকাশের মেঘমালার পরিমাণ পর্যন্ত পৌঁছে যায়, তারপরও যদি তুমি আমার নিকট ক্ষমা প্রার্থনা কর, তবে নির্দিধায় আমি তোমাকে ক্ষমা করে দেব। হে আদম সন্তান! যদি তুমি

যমীন ভরতি গোনাহ নিয়ে আমার নিকট আস, আর যদি আমার সহিত কাউকে শরীক না করে থাক, তাহলে আমি তোমার (নেকীর খাতা) পাপের সমপরিমাণ ক্ষমায় ভরে দেবো।’ (তিরমিযী) বরং বলা যায় আল্লাহর অনুগ্রহ তাঁর বান্দাদের প্রতি এর থেকে আরো অনেক বেশী। কারণ, তিনি সত্যিকার তাওবাকারীর সমূহ গোনাহকে পুণ্য দ্বারা পরিবর্তন করে দেন। যেমন তিনি বলেন,

{إِلَّا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ اللَّهُ سَيِّئَاتِهِمْ حَسَنَاتٍ  
وَكَانَ اللَّهُ غَفُورًا رَحِيمًا} (الفرقان: ٧٠)

অর্থাৎ, ‘কিন্তু যারা তাওবা করে, বিশ্বাস স্থাপন করে এবং সৎকর্ম করে, আল্লাহ তাদের গোনাহগুলিকে পুণ্য দ্বারা পরিবর্তিত করে দিবেন।’ (২৫ঃ ৭০)

প্রশ্নঃ আমি তাওবা করতে চাই, কিন্তু আমার দুষ্ট সাথী-সঙ্গীরা আমাকে ছাড়ে না। আর আমি নিজের মধ্যে দুর্বলতা অনুভব করি। অতএব আমি কি করব?

উত্তরঃ অব্যাহতভাবে তাওবা করা এবং তাওবার উপর ঐশ্বর্য ধারণ করা অপরিহার্য। আর এটা একটা পরীক্ষা, যাতে সত্যিকার তাওবাকারীকে অন্যাদের থেকে পার্থক্য করা যায়। তবে তাকে অবশ্যই সাথী-সঙ্গীদের আনুগত্য করা থেকে নিজেকে বিরত রাখতে হবে। আল্লাহ তা’য়ালার বলেন,

{لَا ضَيْرَ إِذَا وَعَدَ اللَّهُ حَقًّا وَلَا يَسْتَحْفِظُكَ الَّذِينَ لَا يُوقِنُونَ} (الروم: ٦٠)

অর্থাৎ, ‘অতএব আপনি সবুর করুন। আল্লাহর ওয়াদা সত্য। যারা বিশ্বাসী নয়, তারা যেন আপনাকে বিচলিত করতে না পারে।’ (৩০ঃ

৬০) আর প্রত্যেক ব্যক্তিকে এটা স্মরণে রাখতে হবে যে, অসৎ সাথীরা বিভিন্ন প্রকার উপায়ের মাধ্যমে তাকে তাদের দিকে ফিরিয়ে আনার প্রচেষ্টা করবে। অতঃপর যখন তারা তার তাওবার সততা এবং হকের উপর অনড় থাকার ব্যাপারে নিশ্চিত হয়ে যাবে, তখন তাকে ছেড়ে দেবে।

প্রশ্নঃ আমি তাওবা করতে চাই কিন্তু আমার পুরাতন সাথীরা মানুষের মাঝে আমাকে অপমানিত করার ভয় দেখায়। আর তাদের নিকট কিছু ছবি ও প্রমাণাদিও আছে। আমি আমার প্রচারের ভয় করি। এখন আমি কি করব?

উত্তরঃ প্রথমতঃ, শয়তানের অনুচরদের সাথে জিহাদ করতে হবে এবং জেনে রাখতে হবে যে, শয়তানের চক্রান্ত একান্তই দুর্বল। তাছাড়া তুমি যদি তাদের সামনে নত হয়ে যাও, তাহলে তারা (তোমাকে অপমানিত) করার আরো অনেক প্রমাণাদি সংগ্রহ করতে সক্ষম হবে। সুতরাং সর্বক্ষেত্রেই তুমি ক্ষতিগ্রস্ত। তাই আল্লাহর উপর ভরসা রাখ এবং বল, আল্লাহই আমার জন্য যথেষ্ট। তিনি আমার উত্তম সংরক্ষণশীল। আর রাসূল সাল্লাল্লাহু আলাইহি অসাল্লাম যখন কোন জাতির কাছ থেকে বিপদের আশঙ্কা বোধ করতেন, তখন বলতেন,

((اللهم إنا نجعلك في نحورهم ونعوذ بك من شرورهم)) رواه أحمد وأبو داود

অর্থাৎ, 'আমরা তোমাকে তাদের মুখোমুখি করছি এবং তাদের ক্ষতি ও অনিষ্টকারিতা থেকে তোমার নিকট আশ্রয় কামনা করছি।' (আহমদ-আবু দাউদ) তবে একথা সত্য যে, পরিস্থিতি একটু জটিল। কিন্তু আল্লাহ মুত্তাকীদের সঙ্গে থাকেন। তাদের তিনি অপমানিত করেন না। নিম্নের

ঘটনাটির দিকে তোমার দৃষ্টি আকর্ষণ করছি, যা মুত্তাকীদের জন্য আল্লাহর সাহায্যের বড় প্রমাণ।

‘সাহাবী মারযাদ বিন আবি মারযাদ দুর্বল মুসলমানদেরকে মক্কা থেকে মদীনায় পৌঁছে দিতেন। মক্কায় আ’নাক নামক একটি ব্যভিচারিণী নারী থাকত, যার সাথে আবু মারযাদের প্রেম ছিল। একদা তিনি এক ব্যক্তিকে মদীনা পৌঁছে দেওয়ার অঙ্গীকার করেন। আবু মারযাদ বলেন, তাই আমি এক চাঁদনি রাতে দেওয়ালের ছায়ায় আশ্রয় নি। একটু পর আ’নাক এদিকে এলে আমাকে দেখে ফেলে। তারপর যখন আরো নিকটে হয়, আমাকে চিনতে পারে। অতঃপর আমাকে তার সাথে রাত্রিবাসের আহ্বান জানায়। আমি বললাম, আল্লাহ ব্যভিচার হারাম করে দিয়েছেন। তখন সে তার লোকদের চিৎকার করে বলে যে, হে আমার জাতির লোক! এই ব্যক্তি (আবু মারযাদ) তোমাদের বন্দীদেরকে মদীনায় পৌঁছিয়ে দেয়। আবু মারযাদ বলেন, তখন আটজন লোক আমার পিছু নেয়। আমি এক গুহায় পৌঁছে সেখানে আত্মগোপন করি। তারা খোঁজ করতে করতে আমার মাথার নিকট পৌঁছে যায়। কিন্তু আল্লাহ তাদেরকে অন্ধ করে দেন। ফলে তারা আমাকে দেখতে পেল না। অতঃপর তারা ফিরে যায়। আর আমি আমার সাথীর নিকট এসে তাকে নিয়ে মদীনার পথে যাত্রা করি।’ এইভাবেই আল্লাহ মু’মিনদের ও তাওবাকারীদের রক্ষা করেন। তাছাড়া তুমি যা ভয় কর, তা যদি প্রকাশ হয়েই পড়ে, আর বিষয়ের যদি আরো পরিষ্কারভাবে কোন কিছুর বর্ণনার প্রয়োজন হয়, তাহলে তুমি তোমার ব্যাপারটা স্পষ্টভাবে অন্যদের জানিয়ে দিয়ে বলবে, হ্যাঁ, আমি গোনাহে লিপ্ত ছিলাম, পরে আল্লাহর নিকট তাওবা করেছি। স্মরণে রাখতে হবে যে, কাল কিয়ামতে মহান আল্লাহ, তাঁর ফেরেশতা, মানব ও জ্বিন তথা সমস্ত সৃষ্টিকুলের সামনে যে অবমাননা ও

লাঞ্ছনার সম্মুখীন হতে হবে, সেটাই হলো প্রকৃত অবমাননা।

প্রশ্নঃ আমি পাপে লিপ্ত হয়ে পড়ি। পরে সে পাপ থেকে তাওবা করি। কিন্তু পুনরায় উক্ত পাপ করে ফেলি। এমতাবস্থায় আমার প্রথম তাওবা কি বানচাল হয়ে যায়? আগে ও পরে কৃত সমস্ত পাপই কি আমার উপর অবশিষ্ট থেকে যায়?

উত্তরঃ যে ব্যক্তি পাপ থেকে তাওবা করে, আল্লাহ তার তাওবাকে গ্রহণ করেন। যদি পুনরায় উক্ত পাপ করে বসে, তাহলে সে তার মতই হবে, যে নতুন কোন পাপ করে। কাজেই সে আবার তাওবা করবে। তার প্রথম তাওবা শুদ্ধ ও সঠিক বিবেচিত হবে।

প্রশ্নঃ কোন পাপের জন্য তাওবা করার সময় যদি আমি অন্য কোন পাপে জড়িত থাকি, তবে কি আমার তাওবা সঠিক বলে গণ্য হবে?

উত্তরঃ হ্যাঁ, অন্য পাপে জড়িত থাকলেও সে যে পাপের জন্য তাওবা করেছে, সে তাওবা সঠিক গণ্য হবে, যদি সেটা একই পাপ না হয়। যেমন সে সুদের জন্য তাওবা করল, কিন্তু শারাব পান থেকে তাওবা করল না, এমতাবস্থায় সুদ থেকে তার তাওবা সঠিক পরিগণিত হবে। তবে কেউ যদি শারাব পান করা থেকে তাওবা করে, অথচ সে অন্যান্য নেশাজাতীয় জিনিসে জড়িত, অথবা সে কোন এক নারীর সাথে ব্যভিচার করা থেকে তাওবা করল, অথচ সে অন্য নারীর সাথে ব্যভিচার অব্যাহত রেখেছে, এই ধরনের তাওবা গ্রহণযোগ্য হয় না।

প্রশ্নঃ নামায়, রোযা ও যাকাত সহ কিছু ফরয কার্য বিগত দিনে আমি ত্যাগ করেছি। তার জন্য এখন আমার কি করার আছে?

উত্তরঃ নামাযের তো কাযা করার কোন দরকার নাই। সত্যিকার তাওবা করলে, আর সলাত ত্যাগ না করলে এবং খুব বেশী বেশী আল্লাহর নিকট ক্ষমা প্রার্থনা করলে, তা পূরণ হয়ে যাবে। আশা করা যায় আল্লাহ মাফ



করে দেবেন। আর রোযা ত্যাগকারী যদি মুসলমান হয়, তাহলে তার উপর কাযা ওয়াজিব হবে এবং ত্যাগকৃত প্রত্যেক সিয়ামের পরিবর্তে একজন মিসকীনকে খাওয়াতে হবে। অনুরূপ যাকাত আদায় করাও ওয়াজিব।

প্রশ্নঃ আমি কিছু লোকের মাল চুরি করি। পরে আল্লাহর নিকট তাওবা করি। যাদের মাল চুরি করি তাদের ঠিকানা আমি জানি না?

উত্তরঃ তোমাকে সাধ্যানুসারে তাদের ঠিকানার খোঁজ করতে হবে। যদি পেয়ে যাও, তবে তাদেরকে তাদের মাল ফিরিয়ে দেবে। আর যদি আসল মালিক মারা যায়, তাহলে তার উত্তরাধিকারদের দিয়ে দেবে। বহু খোঁজ করার পরও যদি তাদের ঠিকানা না পাও, তাহলে তাদের তরফ থেকে সে মাল সাদকা করে দেবে। তারা যদি কাফের হয়, তবে আল্লাহ দুনিয়াতে তাদেরকে প্রতিদান দিয়ে দেবেন, আখেরাতে নয়।

প্রশ্নঃ জঘন্য ব্যাভিচার আমার দ্বারা হয়ে গেছে। এখন কিভাবে আমি তাওবা করব? আর যদি নারী গর্ভবতী হয়ে যায়, তাহলে কি এই সন্তান আমার সন্তান বলে গণ্য হবে?

উত্তরঃ যদি ব্যাভিচার নারীর সন্তুষ্টি ও তার সন্মতিতে হয়, তবে তাওবা ব্যতীত তোমার উপর আর কিছুই অর্পিত হবে না। আর সন্তান তোমার সন্তান বলে গণ্য হবে না। তার খরচ-খরচাও তোমাকে বহন করতে হবে না। কারণ, সে জারজ সন্তান। এই ধরনের সন্তান মায়ের সাথে সম্পর্কিত হয়। আর (ব্যাভিচারের) বিষয় গোপন রাখার জন্য এই নারীকে বিবাহ করা তাওবাকারীর জন্য বৈধ নয়। তবে তারা উভয়েই যদি সত্যিকার তাওবা করে, তাহলে নারীর রেহেম গর্ভমুক্ত হয়ে যাওয়ার পর তার সাথে বিবাহ করতে কোন দোষ নাই। কিন্তু যদি জোর-জবরদস্তি ও নারীকে বাধ্য করে তার সাথে ব্যাভিচার করা হয়, এমতাবস্থায় পুরুষের

উপর ওয়াজিব হলো, নারীর ক্ষতি পূরণ স্বরূপ সমাজে প্রচলিত মোহরানা তাকে দেওয়া এবং নিষ্ঠার সাথে তাওবা করা। আর আদালত পর্যন্ত বিষয় পৌঁছে গেলে, তার উপর নির্ধারিত দন্ড বাস্তবায়ন করা হবে।  
প্রশ্নঃ এক সৎ ব্যক্তিকে আমি বিবাহ করেছি। বিবাহের পূর্বে আল্লাহর অসন্তুষ্টির কিছু কাজ আমার দ্বারা সংঘটিত হয়েছে। আমি এখন কি করব?

উত্তরঃ তোমার কর্তব্য হলো, সত্যিকার তাওবা করা। আর বিবাহের পূর্বে যা কিছু করেছ, তা তোমার স্বামীকে জানানো তোমার উপর ওয়াজিব নয়।

প্রশ্নঃ কামবশে পুরুষের কাছে গমন করে এমন তাওবাকারীর উপর কি ওয়াজিব হয়?

উত্তরঃ কুকর্মকারী ও যার সাথে কুকর্ম করা হয়েছে, উভয়কেই শক্ত তাওবা করতে হবে। কারণ হয়তো সে জানে না যে, আল্লাহ (এই পাপের জন্য) এক জাতির উপর বিভিন্ন প্রকারের আযাব প্রেরণ করেছিলেন। যেমন লূত আলাইহি অসাল্লামের জাতির জঘন্য এই পাপের কারণে আল্লাহ তাদের উপর নিম্নের আযাবগুলি প্রেরণ করেছিলেন।

১। তাদের দৃষ্টি শক্তি ছিনিয়ে নিয়ে ছিলেন। তারা অন্ধ হয়ে গিয়েছিল।

২। ভয়ঙ্কর গর্জন তাদের উপর প্রেরণ করেছিলেন।

৩। তাদের ঘর-বাড়ীগুলিকে আকাশ পর্যন্ত উঠিয়ে নিয়ে উলট-পালট করে দিয়েছিলেন।

৪। তাদের উপর স্তরে স্তরে কাঁকর-পাথর বর্ষণ করে তাদের সকলকে বিনাশ করে দিয়ে ছিলেন। আর এই জনাই রাসূল সাল্লাল্লাহু আলাইহি অসাল্লাম বলেন,

((من وجدتموه يعمل عمل قوم لوط فاقتلوا الفاعل والمفعول به)) رواه أبو داود  
والترمذي وابن ماجه

অর্থাৎ, ‘যদি তোমরা কাউকে লুত জাতির কুকর্ম করতে দেখ, তাহলে কর্তা ও যার সাথে করা হয়, উভয়কেই হত্যা করে দাও।’ (আবু দাউদ, তিরমিযী ও ইবনে মাজাহ) সুতরাং এই ধরনের কাজের জন্য নিষ্ঠার সাথে তাওবা করতে হবে এবং অধিক পরিমাণে আল্লাহর নিকট ক্ষমা প্রার্থনা করতে হবে।

পরিশেষে বলি, প্রিয় ভাইয়েরা! একজন মা তার সন্তানের প্রতি যত মমতাময়ী, দয়ালু ও করুণাসিক্তা, তার থেকে অনেক অনেক বেশী আল্লাহ তাঁর বান্দাদের প্রতি দয়ালু ও করুণালী। তাই যে সত্যিকার তাওবা করবে, আল্লাহ তার তাওবা কবুল করবেন। তাওবার দরজা খোলাই রয়েছে, এখনো বন্ধ হয় নাই।

وصلى الله على نبينا محمد وعلى آله وصحبه وسلم